

讀史方輿紀要卷十八

錦里

直隸九

萬全都指揮使司

東至延慶州四海治三百三十里南至山西廣昌千戶所四百五十里西

南至山西大同府四百三十里北至長峪口四十里自司治至京師三百五十里

禹貢冀州之域春秋戰國皆爲燕地秦爲上谷郡地

兩漢因之晉爲廣寧郡及上谷郡地後魏因之高齊

置長寧永豐二郡兼置北燕州後周亦屬燕州隋初

郡廢大業初州廢唐屬嬀州光啟中始置武州於此

新唐書河東道有武州領文德一縣唐紀大順初幽州帥李匡威之子仁宗爲武州刺史將兵侵河東爲

河東將李仁信所殺蓋武州幽州鎮所表置李尋改

克用并幽州始屬河

東尋復為劉仁恭所據

毅州後唐復曰武州

明宗時仍曰毅州潞

王從珂又改為武州石晉初入

于契丹改曰歸化州

亦曰雄武軍

後又為德州金天眷初

改宣德州屬大同府大定七年又改為宣化州明年

復曰宣德州元初為宣寧州尋改為山東路總管府

中統四年改宣德府

屬上郡路

至元三年改順寧府

以地震更

名明洪武四年府廢

詳盡徙其民於居庸關內遂虛其地

二十六年改

置萬全都指揮使司領衛十五守禦千戶所三堡五

其蔚州延慶左永寧保安四衛廣昌美峪二千戶所散建于各州縣而屬於萬全都指揮使司

司南屏京師後控沙漠左挹居庸之險右擁雲中之

固彈壓上游居然都會後漢末劉虞牧幽州開上谷
外市之利通漁陽鹽鐵之饒境內以殷庶唐乾寧初
李克用侵幽燕拔武州進圍新州而李匡籌敗亡朱
梁乾化三年晉將李嗣源攻劉守光分兵徇山後八
州皆下之進取武州而守光窮蹙矣其後金人由此
以逼燕雲蒙古再攻宣德蠶食山北遂并山南蓋萬
全不守則藩垣單外而薊門之禍所不免也明初開
平興和列戍相望此猶爲內地自興和移開平棄鎖
鑰由是特重張皇于平日捍禦于臨時此闔外之職
矣邊防攷居庸者京師之門戶宣府又居庸之藩衛

也其地山川糾紛號為險塞且分屯置軍倍于他鎮
氣勢完固庶幾易守獨是糧援易竭輸輓宜先陸運
由居庸抵鎮城事屬已試舟運從盧溝出保安其或
未之講也邊略宣府邊牆東起昌平延慶州界之火
三百餘里計其險隘如西路之萬全右衛張家口西
陽河北路之獨石青泉馬營中路之葛峪青邊東路
之四海治諸處俱極衝要而獨石尤為咽喉重地云

宣府左衛

附郭漢潘縣地唐置文德縣契丹因之金大
定二十九年改曰宣德元為宣德府治明初

府縣俱廢洪武二十六年改置今衛二十七年築城
正統五年甃以磚石隆慶二年增修今有門四城周

二十四里又有
南關城周四里

宣府右衛

附郭廢
置同上

宣府前衛

附郭廢置同上

興和守禦千戶所

附郭初置於興和舊城永樂二十年蒙古阿魯臺乘間襲陷因棄舊城徙

置於此

文德廢縣

在司契丹

因沿東南唐末析懷戎縣置為武州治因之遼志云漢下落縣後魏改為文

德縣又云本

漢女祁縣地元魏置文德縣皆誤也

金改曰宣德

元因之明初廢○陽門廢縣在司西

百二十里唐

志嬌州有陽門城為戍守處遼置陽

門鎮屬順聖

縣金貞祐二年升為縣屬宏州元初

廢

順聖川東城

司

西南百四十里西南至山西蔚州九

唐末為安塞

軍地遼志以為後魏之安塞軍候也

五代時為永

興縣地遼析置順聖縣屬奉聖州尋

改屬宏州金

因之元屬宣德府明初廢天順四年

修築為戍守

處嘉靖四十三年萬歷四年皆增修

續史

方輿

卷十八

直隸九

三

文

二

日

今城周四里有奇南臨大川北枕崇岡原壤遼闊
元時牧場也今以馬房各堡者十餘所號為順聖
馬房川邊防攷東城近為西城犄角遠為紫荆藩
離東有水峪西有牛房皆為極衝嘉靖中北鄙入
犯城東南有千家堡受禍最酷志云東城相近又
有丁寧鰲魚等口嘉靖中余子俊以丁寧鰲魚水
峪為東城三隘是也

順聖川西城

在東城西百里東南至蔚州九十里漢

齊德長寧二郡於此後周廢齊德郡隋初并廢長
寧郡改長寧縣曰開陽屬朔州唐廢遼志唐初為
突厥所據開元中嘗置橫野軍于此天寶以後廢
為襄陰村石晉初沒于契丹宋端拱初潘美自袁
州進軍取其地旋復沒于契丹置宏州博寧軍治
永寧縣金因之尋改軍名曰保寧既又廢軍而宏
州如故復改縣曰襄陰元初因之尋以襄陰縣省
入州明初州廢天順四年築城為戍守之所嘉靖
二十四年萬歷二年皆增築今城周五里有奇當
南路極西與大同鎮之天成陽和衛接壤而一吐

泉等處無險可恃
守尤切邊防攷成化十九年
小王冠大回諸堡長驢入順聖川散掠蔚朔諸
州因設南路奈將駐順聖西城轄東西兩城及蔚
州境深井溝沱黑石桃花等堡本路阻山帶河為
紫荆倒馬之障蔽正德八年寇復入宣大塞別
部自懷安入順聖川官軍拒却之即西城也
古城司東六十里城周一里舊有此城元時增築之
明復修治為戍守之所志云順聖川西城南十

里原縣故城

天德山司西北三十里又司北三十五里有東望西
望二山又有沙嶺在司西二十里宋元祐四

年契丹至洪基如沙嶺遂至奉聖州明永樂中車
駕北征次沙嶺是也與諸山環帶司境稱為形勝
又有湯池山在司東六十里溫泉出焉遼置黎園
於山下宋雍熙五年契丹主隆結如炭山至黎園

溫泉即此

炭山司西百二十里灤水源於此遼史歸化州有炭
山謂之陁頭契丹嘗遊獵於此有涼殿承天皇

后納涼所也山東北三十里有新涼殿為景宗納涼處惟松棚數陁而已山有斷雲嶺極高峻宋咸平六年高陽關將王繼忠為契丹所獲見契丹王隆緒于炭山即此或以為後魏滑鹽縣地也五代史契丹阿保機告其部落請帥漢人居古漢城別為一部歐陽修曰漢城在炭山東南灤河上有鹽鐵之利乃後魏滑鹽縣其地可推五穀阿保機率漢人耕種為治城郭邑屋廛市如幽州制度漢人安之宋白曰漢城在檀城西北五百五十里城北有龍門山山北有炭山炭山西即契丹室韋二界相連之地其地在灤河上源西有鹽泊之利即後魏滑鹽縣也按滑鹽本漢縣屬漁陽郡後魏志不載滑鹽縣宋氏誤矣今大寧以東皆漢北平遼西二郡地地肥饒宜五穀有鹽灤鹽塲所謂漢城亦槩言之耳

盤崖山

在順聖西城北十五里山高險又稱雲山在西城西南三十五里高出雲表又有獨山在在順聖東城東六十里以高峻盤折而名志云東

城南三十里有榆林山西北十五里又有鰲魚山

五岔嶺

順聖西城東南四十五里嶺當通衢岐路四

城東北自都司城至此百六十里是也又滴水崖

征賞驛

濡水

官反讀曰灤今司境即後魏所云濡源地也東

北流經雲州馬營二堡間而人

洋河

司城南十五里有泥河自東北流入焉又東流

達保安州界下流入於桑乾河志云司

愛陽河

涼在炭山西北二十里深僅尺許中多浮草性

定十年如柳河川邊防攷柳河發源大白陽堡北

讀史方輿 卷十八 直隸九 五 攷文 畧

順聖川

在順聖東城南即桑乾河支流也東西延袤二百里餘里多美芻故牧場也明亦牧馬于此

一統志川在宣府西南百里有龍池永樂間嘗產龍馬于此

安州之桑乾河又川有九龍池九泉湧出南流入此志云司東九十里又有柳園泉在順聖西城西

延慶州界入於清水河又柳園泉在順聖西城西

雞鳴驛堡

司東南六十里永樂十八年設站於此十七年因民堡增築隆慶四年修治堡周四

里有奇為鎮城入京要路正北達龍門堡西北達趙川堡實當兩路之衝堡傍皆流沙積石行旅苦

之近山可耕之田不過五十餘頃儲蓄為艱嘉靖四十二年北由此突犯為戍守重地

萬峪堡

司北丑十年里宣德五年創築嘉靖四十二年萬歷六年增修堡周四里有奇四山壁立路

徑崎嶇中路參將駐此分邊東起赤城西盡張家口沿長一百三十一里轄龍門衛一堡十蓋鎮城

北面之藩籬也葛峪所轄墩臺以預築鎮邊諸處為取衝邊外東北則有典和靖邊等城西北則東

勝備所等城皆中國故地今為屬部駐牧志云堡北有松樹梁旁多松堡東三里有柳溝泉南流成河居民資以灌溉

長峪口堡

司西北四十里亦宜德間置萬歷十五年增築周三里有奇有黃草灘駱駝鞍等衝

而壩口在堡北五里九為極衝自壩口而外靖邊城瞭馬臺免鵲崖諸處舊皆內地今為屬部駐牧志云堡西七里有小尖山北十五里有東高山三十里有饅頭山皆瞭望處也○閑家堡在衛西南四十五里亦戍守處

青邊口堡

司西北五十里在長峪堡西亦宜德中置萬歷九年增築周三里有奇墩臺則滴水

崖北嘴溝曲丁寧遠四處為最衝口外則段木嘴三道川狹狹墓馬頭山皆屬部駐牧邊防致本堡沿邊山形中斷故曰青邊口臨口依平地為牆迤北則山巖溝壑崎嶇相錯其長亦以部落守蓋中路最衝之地也嘉靖中失守俺答再犯宣府青邊口首被其患志云堡北八里有青山十餘里有

石噓山西北十二里有
西高山皆瞭望所資

羊房堡

在青邊口西南距邊十里接壤張家口西為

十三年萬歷十七年俱增築周二里有奇雖重岡
為險而何家堰鎮鎮口諸處皆敵徑也牆外有紅
崖兒竅頭嘴擦胡石數處皆屬國部落駐牧志云
堡西北十五里有鰲頭山山上巨石突出高闊數
十百丈因建墩
臺以便瞭望

大白陽堡

在司東北唐志嬌州有白陽鎮即此成化
初置堡景泰嘉靖間修築萬歷十三年增

修周二里堡地平坦其鎮墩古道深毛家壩等口
皆極衝邊外胡噓兒諸處為諸部所竊發不時
防禦最切志云堡
南十里有假樹山

小白陽堡

在大白陽堡東與龍門衛接界宣德五年
剏築嘉靖四十年萬歷二十四年增築

周二里有奇其邊墩馬圈兒石塘子為取種邊外
近地有東西古道井菜衝等處皆駐牧地萬歷八

年敵山此入犯因議于龍門關娘娘正舊有捷徑
盤道稍修平之以遲東西互援之路自是稱侯又
邊外有泉引入可資灌溉較諸堡差為饒沃志云
堡西二里有馬鞍山堡北有碾槽溝○趙川堡在
衛東北六十里又東北至龍門關二十里邊畧堡
在大小白陽二堡間宣德五年築嘉靖十三年降
慶四年增修周二堡里有奇邊墩有沙嘴子為最衝
邊外西古道即外境也志云堡東八里有白廟堡
白廟東北七
里有龍潭

龍門關堡

在小小白陽堡東南宣德二年置嘉靖四十
三年萬曆十三年增築周二堡里有奇關門

在堡東五里俯闕下瞰堡城若不守全鎮倚為東偏半
錯近實難逾正統間北路不守全鎮倚為東偏半
壁蓋雖視小白陽諸堡差為腹裏而烽火由此以
達南山往來應援恒出於此倘未可疎也志云龍
門堡即故龍門鎮在司東八十里元嘗移置望雲
縣於此其南鄉產銅又司北百二十里有牙怡村
舊產銀○固驢堡今司治也宋志宣和五年歸化
州內屬六年築固驢堡南去新州七十里尋為女
方輿

真所陷又老鴉莊在司西北四十里遼金時頓舍處也志云元築明因遺址增修為戍守之所

天橋關口

在司南百八十里南至懷來衛境之沿河四十五里與宛平縣接界

萬全左衛

司西六十里西至懷來衛六十里西南至山西蔚州二百五十里

唐初為媯州地後為武州地契丹屬歸化州金屬宣

德州元為宣德府地明初廢洪武二十六年置今緡

後遷改不一

洪武三十一年調山西蔚州尋又謂通州而衛名不改

永樂初復

為萬全左衛

衛唇齒鎮城翼帶雲蔚西偏之屏蔽也

邊防考衛雖近內地而為

東西孔道往來絲繹

宣平廢縣

衛西十里本文德縣之大新鎮金承安二年置宣平縣屬宣德府大安三年蒙古敗

金于野狐嶺進薄宣平克縉山縣遊騎遂入居唐
明年復充宣平陷德興府元仍曰宣平縣屬宣德
府移治于辛南莊明初廢尋改置今衛築衛城止
統九年增築城川九里有奇議者以城大難守嘉
靖四十二年截三分之

沙城

在衛西北隋開皇三年突厥寇幽州總管李崇
拒之于沙城突厥圍之敗設即此城也自是常

為戍守處明永樂中北征道宣府府次沙嶺次萬
全次沙城是也景泰二年設沙城堡正德八年敵
寇萬全威寧侯仇鉞白大同馳救戰于沙城敗績
隆慶二年增築五年又修東西兩關其周五里資
為保障志云衛北五里有九

瓦窰山

衛東南五里以陶甃所在而名志云衛西南
四里有香爐山又六里有沒皮山以山無草

木也又有紅塘山在衛
南十里下有紅塘河

洋河

衛北五里自塞外流經此東南入宣府衛界又
東河在衛東一里源出葛峪堡之柳溝與洋河

合可資灌溉口西海子在衛城西
水環三十餘里東南流入于洋河

會河堡

在衛西遼金時所置戍守處也宋嘉定四年
蒙古敗金人于攏兒嘴追至會河堡遂進薄

宣平

即此

寧遠站堡

司東三十餘里永樂初設站於此嘉靖四
十一年為敵攻毀萬歷六年改築周三里

有奇堡當張家口之衝萬歷二十七年復于堡北
劉平寺灣新置土墩一座周迴建甕城以鎮之往
來行旅恃以無患堡本屬鎮城

萬歷六年改屬上西路管轄

萬全右衛

司西八十里西至懷安衛四十里
西南至山西大同府三百五十里

唐武州地元屬宣德府明洪武中與左衛同置曰萬

全右衛

衛控禦邊陲為東西聲援漠南有事每當其衝防維